

ISTIADAT PENGANUGERAHAN DARJAH KEPAHLAWAN ANGKATAN TENTERA

airforce.mil.my/berita/acara-rasmi/5486-istiadat-penganugerahan-darjah-kepahlawan-angkatan-tentera

PUTRAJAYA, 8 Okt 19 – Kebawah Duli Yang Maha Mulia Seri Paduka Baginda Yang di-Pertuan Agong Al-Sultan Abdullah Ri'ayatuddin Al-Mustafa Billah Shah Ibn Almarhum Sultan Haji Ahmad Shah Al-Mustain Billah berkenan mengurniakan Darjah Kepahlawanan Angkatan Tentera (DKAT) yang berlangsung di Istana Melawati, Putrajaya.



Mendahului senarai penerima bagi sesi pertama pada hari ini adalah Panglima Tentera Darat, Jeneral Tan Sri Dato' Seri Panglima Hj Ahmad Hasbullah bin Hj Ahmad Nawawi yang dikurniakan Panglima Gagah Angkatan Tentera (PGAT).



Seri Paduka Baginda yang juga merupakan Pemerintah Tertinggi ATM turut berkenan mengurniakan darjah PGAT Kehormat kepada dua penerima dari negara asing. Mereka terdiri daripada Panglima Angkatan Tentera New Zealand, Air Marshal Kevin Short dan Panglima Angkatan Tentera Thailand, General Pornpipat Benyasri.



Dalam istiadat tersebut, SPB YDP Agong turut mengurniakan darjah Panglima Setia Angkatan Tentera (PSAT), Pahlawan Angkatan Tentera (PAT), Kesatria Angkatan Tentera (KAT) dan Bentara Angkatan Tentera (BAT) kepada pegawai dan anggota ATM.



Turut hadir ialah Menteri Pertahanan Malaysia; YB Tuan Haji Mohamad bin Sabu; Panglima Angkatan Tentera, Jeneral Tan Sri Dato' Seri Panglima Haji Zulkifli bin Haji Zainal Abidin; Panglima Tentera Udara, Jeneral Tan Sri Dato' Sri Hj Affendi bin Buang TUDM serta pegawai-pegawai kanan ATM.





